

宋庐陵派

刺史琮公家吉州。吉故为庐陵邑，因称庐陵欧阳是以文忠公自称庐陵欧阳修也。琮二子晤、昧。晤生徹生铉，铉生邈，邈生规，规生绪。绪进士及第，官至御史大夫。生三子。长彪、为安福令，迁於广。次形，亦为安福令。形五子，四失其名。惟传长子泽。泽子雄，雄子勋，勋子坦，坦子郢，郢子忠。忠居万安常溪，溪传五世至德，祖为蜀江之派次。万继踵为安福令，传五世，为六祖。即今各派之始祖也。以上讳缺。彪、形亦不详。今从采补谱，又载兄弟三人继踵为安福令。初疑其谬，隆庆中，因祀令公，同参议祖。瑜龙、严祖、念亲诣，三都欧君地，拜墓谒庙。上、中、下三保，皆有三大，高以丈计，大小不等。巍然田中、三庙三神皆称欧王。面紫黑白并朝，冠服巍然可仰。询之父老，皆言旧传三神，三兄弟三县官，男妇如出一口，此则无复可疑也。蜀江谱又载，琮公七子皆失其名。三世生彪、形、而不及万，此矛盾不足信。详後存疑条。下谱又有万公葬泰和株林者，久知其讹，近考雅公葬株林，古谱误传为万，姑祀之以俟考。六宗之後，日益以繁衍分布吉之四境，

在安福者，有洞渊、黄石、义历派；在庐陵者有安德里、永和、钓源派。自六派而徙者，若卢陵、若永丰、若分宜、若吉水、若泰和、若永新、若南昌新建，若抚州、若宜黄、乐安、若楚、承天、潜江长沙、浏阳以及荆州、监利、汉阳、汉川、宝庆、安化、各州邑通谱所登录者，约九十余派，又有迁外州，远道未相通问者，不可胜记。然原其所自出，则亦莫不以安福府君为宗焉。

谨按欧阳氏实出轩辕。黄帝布图，作传断自禹始。自禹而降，代为君王。越王称霸以来，虽王无疆为楚所，而子孙仍受万户侯封。摇侯而下，涿郡太守而后，由和伯至歙，皆以明经，位公卿。汉有八世博士之称，晋则太守坚石有赫赫之号，唐则银青大夫询，金紫大夫通，有大小欧阳之号。以至封公、封侯、封子、封男、尚且不替。宋则文忠公卓然一代山斗。监丞公、修撰公、忠节、争光日月；节孝公、巽齐公，理学师表百世；元则楚文公聿为文臣。其他功业著，难以殫记。迄明科第蝉联，代不乏书位，公孤，勋住国，方岳郡邑比比不可枚数。大江以西，目为衣冠望族。盖地平天成，禹之功，万世赖之。故禹之子孙亦万世永赖也。善乎太史公之言曰：“禹之功大矣。”延及苗裔，称王称霸，盖有禹之遗烈焉，知迁言之不诬也。计自大禹至今，百二十余世，

三千七百五十余年，而绵绵休庆，垂裕无穷，讵可不知所自出耶。先儒之言曰：“赌河洛者思禹功。”然则征禹功者，又其在此欤？是故稽古史摭世谱，布图列传以示将来，我之後人讵可忽诸！

嗣孙春谨识